

NEWSPAPER CLIPPING

Date	:	28 Oktober 2018
Title	:	Kementerian Pendidikan akan martabat bahasa Melayu
Publication	:	Kosmo Online
Page	:	

Kementerian Pendidikan akan martabat bahasa Melayu

28 Oktober 2018 10:49 PM



Maszlee, Gambar fail



NEWSPAPER CLIPPING

Date	:	28 Oktober 2018
Title	:	Kementerian Pendidikan akan martabat bahasa Melayu
Publication	:	Kosmo Online
Page	:	

BANGI - Kementerian Pendidikan tidak akan berganjak daripada meneruskan perjuangan meletakkan bahasa Melayu di tempatnya yang hak sebagai bahasa kebangsaan, bahasa rasmi dan bahasa ilmu di negara ini.

Menteri Pendidikan, Maszlee Malik berkata, perhatian dan tanggungjawab kepada bahasa Melayu tidak akan diabaikan dalam usaha meningkatkan penguasaan bahasa Inggeris dan bahasa asing yang lain untuk memenuhi keperluan semasa dan akan datang.

"Saya berharap semua institusi pengajian tinggi awam dan swasta di negara ini dapat bersama dengan Kementerian Pendidikan dalam usaha menyeimbangkan penguasaan bahasa dalam kalangan pelajar.

"Penguasaan bahasa yang seimbang ialah menguasai bahasa Melayu dengan fasih dan cekap dan pada waktu yang sama menguasai bahasa Inggeris dan bahasa ketiga dengan baik," katanya ketika berucap pada pertandingan akhir Pidato Piala Menteri Pendidikan 2018 di Universiti Tenaga Nasional di sini malam ini.

Jelas Maszlee, pertandingan pidato peringkat institusi pengajian tinggi mampu melahirkan graduan yang bermutu bukan sahaja dari sudut akademik tetapi kemahiran berfikir, menganalisis dan berhujah dengan berhemah. - Bernama

Iklan ditutup oleh Google